



NOTIFICACIÓN

Polo presente poño no seu coñecemento que a Xunta de Goberno Local, en sesión celebrada o día 23/09/2024, co quorum regulamentario, adoptou, entre outros, o acordo que de seguido se transcribe literalmente:

6.b) Proposta de aprobación da convocatoria de subvencións en concorrencia previstas no orzamento 2024 (Exp. TEDeC 2024/A002/000006).

A Xunta de Goberno Local coñece da proposta da Alcaldía que seguidamente se transcribe:

“Como xa ven sendo habitual neste Concello, e co fin de contribuír a financiar as actividades culturais e deportivas que se celebran no mesmo, este concello ven convocando todos os anos unha liña de subvencións en concorrencia co fin de subvencionar estas actividades.

Ao mesmo tempo e para facilitar a igualdade de oportunidades ante o ensino, e poder facer efectivo o dereito de todos á educación; tamén se ven proponendo dende este concello a concesión de axudas para transporte e material escolar.

A tal fin, e dado que no orzamento municipal do exercicio actual se seguen contemplando estas liñas de axudas con carácter repetitivo dun exercicio para o seguinte, polo que existe no dito orzamento crédito para tal finalidade.

Visto que dende o día 2 de agosto de 2024 o Concello xa dispón de Orzamento definitivo para o exercicio actual (tras a súa publicación no BOP nº 148, do día 02.08.2024).

Por todo isto, e dado que as bases que van rexer estas convocatorias xa foron aprobadas en exercicios anteriores, estando pois en vigor (por canto que forman parte das Bases de Execución do orzamento actual); fíxose necesario que, en cumprimento do disposto nas bases de execución do orzamento, os servizos económicos emitiran un informe en canto ao crédito de que se podía dispoñer para iniciar un ano máis a convocatoria destas subvencións, Tendo en conta o informe sobre a dispoñibilidade de crédito existente nas partidas correspondentes emitido pola intervención municipal, esta Alcaldía, en uso das atribucións que ten conferidas, e de acordo co contido das Bases reguladoras deste concello a aplicar para este expediente, considera que podía levarse a cabo a seguinte convocatoria:

Subvención	Denominación	Subvención municipais a entidades sen fin de lucro (actividades culturais)
	Crédito dispoñible	10.000,00
	Partida de imputación	334 480.04

Subvención	Denominación	Subvención municipais a entidades sen fin de lucro (actividades deportivas)
	Crédito dispoñible	6.000,00€
	Partida de imputación	341 480.07

Subvención	Denominación	Axudas para o transporte universitario/FP
	Crédito dispoñible	2.000,00€
	Partida de imputación	326 480.03



Subvención	Denominación	Axudas para a adquisición de libros de texto e material didáctico complementario para o presente curso académico
	Crédito dispoñible	3.000,00€
	Partida de imputación	326 480.03

Dado nas bases de execución do orzamento establécese que o procedemento para a concesión de subvencións iniciárase de oficio mediante acordo de aprobación da convocatoria e do gasto, adoptado pola Xunta de Goberno Local, previa fiscalización da existencia de crédito adecuado e suficiente pola Intervención, ordenando o inicio dos trámites do procedemento de concesión.

Considerando o disposto no informe emitido pola intervención municipal,

E dado que actualmente no orzamento en vigor, no que nos anexos ás bases de execución figuran, entre outros, as bases reguladoras das subvencións ou axudas que seguidamente se relacionan,

E tendo en conta a necesidade de publicar a convocatoria na BDNS, xa que do contrario podería darse lugar á anulabilidade da propia convocatoria,

Esta Alcaldía propón á Xunta de Goberno Local a adopción do seguinte acordo:

Primeiro. Que se aprobe o inicio da convocatoria para a concesión de subvencións a entidades para realizar as actividades que se inclúen no cadro seguinte, considerando tamén os importes propostos, ordenando así a publicación das convocatorias e bases reguladoras correspondentes as seguintes subvencións municipais:

- a) BASES REGULADORAS DA CONCESIÓN DE SUBVENCIONES MUNICIPALES A ENTIDADES SEN FIN DE LUCRO (anexo IV das Bases de Execución do orzamento), de acordo co seguinte detalle:

Subvención	Denominación	Subvención municipais para gasto corrente a entidades sen fin de lucro (actividades culturais e deportivas)
	Crédito dispoñible	10.000,00€ (cultura); 6.000,00€ (deportes)
	Partida de imputación	334 480.04; 341 480.07

- b) BASES REGULADORAS DA CONCESIÓN DE Ó TRANSPORTE UNIVERSITARIO/FP (anexo V das Bases de Execución do orzamento).

Subvención	Denominación	Axudas para o transporte universitario/FP
	Crédito dispoñible	2.000,00€
	Partida de imputación	326 480.03

- c) BASES CONVOCATORIA DE AXUDAS PARA Á ADQUISICIÓN DE LIBROS DE TEXTO E MATERIAL DIDÁCTICO COMPLEMENTARIO PARA O PRESENTE CURSO ACADEMICO (anexo VI das Bases de Execución do orzamento).

Subvención	Denominación	Axudas para a adquisición de libros de texto e material didáctico complementario para o presente curso académico
	Crédito dispoñible	3.000,00€
	Partida de imputación	326 480.03



Segundo. Que se remitan á BDNS os datos necesarios para que se leve tamén a cabo a publicidade desta convocatoria na dita base de datos, a fin de que así se poida iniciar a tramitación deste procedemento coa presentación das solicitudes por parte das entidades interesadas, en relación ás subvencións mencionadas anteriormente. Unha vez a BDNS remita esta convocatoria ao boletín correspondente (neste caso ao BOP da provincia da Coruña) e o BOP publique a mesma, comezará a contar o prazo previsto nas bases para a presentación de solicitudes, e que é de vinte días naturais contados a partir do día seguinte ao da publicación do anuncio desta convocatoria no BOP.

Terceiro. Que se leve tamén a cabo a publicación do anuncio desta convocatoria na páxina web do concello, unha vez sexa publicado no BOP, a fin de darlle máis difusión a esta convocatoria.

Cuarto. Que se siga o procedemento previsto nas bases reguladoras da concesión de subvencións en concorrencia, e que figuran no anexo IV das Bases de Execución do Orzamento.”

A Xunta de Goberno Local dáse por informada e, por unanimidade, acorda aprobar a anterior proposta, quedando convertida en acordo nos termos nos que se deixa transcrita.

*En Neda, na data que se indica na firma dixital.
O Secretario Xeral do Concello,
Asdo.: Alejandro R. Antelo Martínez.*

**Servizos Económicos do Concello.
Neda.**